



uNozibe kanye nezinwele ezintathu

- Tessa Welch
- Wiehan de Jager
- Zimbili Dlamini, Phumy Zikode
- 3
- isiZulu [zu](#)



Emandulo amantombazane amathathu ahamba ayotheza.



Ilanga lalishisa kakhulu base behlela emfuleni ukuyobhukuda. Badlala, bethelana ngamanzi ngesikhathi bebhukuda.



Kusenjalo babona ukuthi isikhathi sase sihambile.
Baphuthuma bephindela emakhaya.



Bathi sebesondele emakhaya, uNozibele wazithinta emqaleni wathola ukuthi umgexo wakhe wawungekho. Wayewukhohliwe! “Ngicela ningiphelezele bandla!” ebancenga. Kodwa abangane bakhe bathi sekuhlwile.



UNozibele waphindela yedwa emfuleni. Wawuthola umgexo wakhe waphuthuma ephindela ekhaya. Kodwa endleleni waduka ebumnyameni.



Buqamama wabona ukukhanya okwakuqhamuka endlini. Washesha wayakhona, wafika wangqongqoza emnyango.



Wamangala kakhulu ukuthi kwavula injá, yathi “Ufunani la?” “Ngidukile ngicela indawo yokulala,” kusho uNozibe. “Ngena ngaphakathi, ngale kwalokho ngizokuluma!”, kusho injá. UNozibe wangena ngaphakathi.



Inja yathi, "Ngiphekele!" "Kodwa angikaze ngiyiphekele injá," kuperendula uNozibe. "Phela ngale kwaloko ngizokuluma!" kusho injá. UNozibe wayiphekela injá.



Inja yathi, "Ngindlalele umbhede!" Nozibele wathi, "Angikaze ngendlalele injá." "Ndlala ngale kwaloko ngizokuluma!", kusho injá. uNozibele wawendlala umbhede.



Zonke izinsuku wayepheka, ashanele, futhi ayiwashele injá. Ngelinye ilanga injá yathi, "Nozibe, namhlanje ngizovakashela abangane bami. Shanelá la endlini, upheke bese uwashé izingubo zami ngaphambi kokuba ngibuye."



Isikhashana nje inji isihambile, uNozibele wathatha izinwele ezintathu ekhanda lakhe. Wabeka unwele olulodwa ngaphansi kombhede, wabeka olunye unwele emva kwesivalo, wabeka olunye esibayeni. Wase wabaleka waya ekhaya ngokushesha.



Yathi inji ibuya, yafuna uNozibe. "Nozibe, ukuphi?" imemeza. "Ngilapha ngaphansi kombhede," kusho unwele lokuqala. "Ngilapha, emva kwesivalo," kusho unwele Iwesibili. "Ngilapha, esibayeni," kusho unwele Iwesithathu.



Inja yavele yabona nje ukuthi uNozibele wayeyicuphile. Inja yagijima imfuna. Kodwa abafowabo kaNozibele babeyilinde nezinkulu izinduku. Inja yabaleka yaphindela emuva, ayiphindanga yabonakala kusukela ngalelo langa.



Global Storybooks

globalstorybooks.net

uNozibele kanye nezinwele ezintathu

✍ Tessa Welch
❧ Wiehan de Jager
☞ Zimbili Dlamini, Phumy Zikode

